



Universitätsbibliothek Paderborn

**R. P. F. Ioannis Nider Ordinis Prædicatorum Theologi De
Reformatione Religiosorvm Libri Tres**

Nider, Johannes

Antverpiæ, 1611

XV. Concludit duodecimum fructum, qui est iudiciaria potestas. Vbi ostenditur quomodo in extremo iudicio multi iudicare dicuntur; sed Religiosi perfecti perfectius aliis.

[urn:nbn:de:hbz:466:1-45728](https://nbn-resolving.de/urn:nbn:de:hbz:466:1-45728)

Serue, inquiens, male, tu quanto mihi eras familiarior, tanto es culpabilior: potest iste respondere, Domine, inquiens, verum est quod dicis, sed quamdiu pœnitere nolui; at postquam toto ex corde poeniteo, meque ipsum in emendationem trado, numquid non peius illo debeo pati, qui nec illud quod habet, tibi totum vult dare pro satisfactione sui commissi? Iustumne videtur, ut quia te magis dilexi, minorē debeo misericordiam consequi? Imò eo maiorem mihi deberes facere misericordiam, quo nullam maiorem tibi facere possum satisfactionem. Quid aliud dominus diceret, quam quod veritas habet? Hunc ergo mitiū iudicat, ut extotto proprium; illum verò seuerius, ut minus sibi priuatum. Sic ergo & Deus mitiū indulget Monacho, qui se ei totum commitit, quam laico dare nolenti se vel sua pro his quæ commisit. Hæc omnia Anselmus.

C A P V T X V.

Concludit duodecimum fructum, qui est iudicaria potestas. Vbi ostenditur quomodo in extremo iudicio multi iudicare dicuntur; sed Religiosi perfecti perfectius alius.

DUODECIMVS fructus est, iudicariæ potestatis traditio. Iudicaria enim potestas

stas in vniuersali iudicio extremo , respon-
 det voluntariæ paupertati , quam Religiosi
 omnes profitentur. Vnde Iob : * Non saluat
impios , & iudicium pauperibus tribuit. Et
 super illud Matthæi 19. *Vos qui reliquistis
 omnia , &c.* dicit Glossa : Qui relinquunt
 omnia , & secuti sunt Deum , hi Iudices e-
 runt: sed qui licita habentes , rectè vñi sunt,
 iudicabuntur. Item patet ex modo loquen-
 di textus Matth. 19. Vbi Petrus primò alle-
 gat dicens & petens , quid daretur pro vo-
 luntaria paupertate: *Ecce, ait, nos reliquimus
 omnia , & secuti sumus te, quid ergo erit no-
 bis?* Et Christus subiungit , & canit Ecclesia
 in Missali officio : *Amen dico vobis , quod
 vos, qui secuti estis me , &c. sedebitis & vos
 super sedes duodecim , iudicantes duodecim
 tribus Israël.* Ergo premiuum paupertatis &
 Christi sequelæ, est iudiciaria potestas. Item
 ad idem est B. Hieronymus super Matth. 19. B. Hieron.
 dicens : *Quid ergo ? Non sufficit tantum* ^{tom. 9.}
relinquere: iungit quod perfectum est , &
secuti estis me. Ad idem est Augustinus lib. ^{Augustin.}
 De pœnitentia, sic dicens : In hoc numero,
 scilicet duodenario , omnes intelliguntur ,
 qui propter Euangelium, sua omnia dimise-
 runt, & secuti sunt Dominum. Item Grego-
 rius 10. Moralium: *Quisquis stimulo diui-* ^{Greg. lib 10}
ni amoris excitatus hic possessa reliquerit, ^{Mor. c. 30.}

illic proculdubio culmen iudicariæ potestatis obtinebit: vt simul tunc Iudex cum Iudice veniat, qui nunc cōsideratione iudicij, sese spontanea paupertate castigat. Iterum ibidē Origenes: Si quis reliquerit omnia, & secutus fuerit Christum, quæ prōmisſa sunt Petro, & ipſe recipiet. Si autem non omnia reliquerit, sed quædam, quæ specia-
liter inferius referuntur, hic multiplicia recipiet, & vitam possidebit æternam. Iterum

4.d.47.

*Quid sedes
duodecim
significant.*

Magister Sententiarū ad idem sic dicit: Per duodecim sedes perfectio tribunalis, id est, vniuersitas iudicantium intelligitur; scilicet, omnes perfecti, qui relictis omnibus secuti sunt Christum; per duodecim tribus, vniuerſitas iudicandorum. Iudicabuntverò eos Sancti, non modò comparatione, sed etiam auctoritate & potestate. Hæc ille.

4.d.47.

*Rationes
D. Thoma
cur pauper-
tatis voto
debeatur
hæc potestas*

Debetur autem paupertati, dicit S. Thomas, iudicaria potestas specialiter. Primò, ratione congruitatis, quia volūtaria paupertas est eorum, qui omnibus quæ mundi sunt contemptis, soli Christo inhærent: & ideo non est in eis aliquid, quod eorum iudicium à iustitia deflectat. Vnde idonci ad iudicandum redunduntur, quasi veritatem iustitiæ p̄ omnibus diligentes. Secundò, per modum meriti, humilitati correspōdet exaltatio pro merito. Inter omnia autem, quæ hominē in hoc

hoc mundo despectum faciunt, præcipuum est paupertas. Vnde & pauperibus excellētia iudicariæ potestatis promittitur, vt sic qui se propter Christum humiliat, exalteatur. Tertiō, quia paupertas disponit ad prædictum modum iudicandi. Ex hoc enim aliquis Sanctorum iudicare diceretur, vt ex prædictis patet, quia cor habebit edictum omni diuina veritate, quam alij potens erit manifestare. In progressu autem ad professionem, primum quod relinquendum occurrit, sunt exteriōres diuitiæ, quia hæ sunt vltimò acquisitæ. Quod autem est vltimum in generatione, est primum in destructione. Vnde etiam inter beatitudines quibus est progressus ad perfectionem, primò ponitur paupertas. Et sic paupertati correspondet iudicaria potestas, in quantum est prima dispositio ad potestatē prædictam. Et hinc est, quod non quibuscumque pauperibus *Quibus* etiam voluntariè repromittitur potestas prædicta, sed illis, qui relinquentes omnia, se *pauperibus* *hec promis-*
sio fiat. quuntur Christum secundūm perfectionem vitæ. Et quamuis multi licet diuitiis vten-
tes, erunt maioris meriti multis volunta-
riè pauperibus, & sic eisdem superiores; &
qui pauperes fuerunt, sic inferiores: tamen
licet inferior non possit iudicare superio-
rem auctoritatē propria, sed tamen auctori-

tate Superioris potest. Et ideo non est inconueniens, si iudicium datur iudicandi, tamquam accidentale præmium pauperibus, ut iudicent alios etiam, qui sunt excellentiores merito, respectu præmij essentialis. Hæc Thomas.

4. d. 48.
Iudicare
competit
alicui va-
riis ratio-
nibus.

Sap. 3. 8.

* compro-
bationis,

Mat. 12. 14

Sciendum tamen, vt dicit Petrus, quod iudicare potest competere alicui multipliciter. Primò, per modum primariæ potestatis & auctoritatis, & sic competit soli Trinitati. Secundò, per modum primariæ delegationis, & sic competit soli Christo secundum humanitatem. Tertiò, per modum assessoriae dignitatis, & sic iudicabunt Sancti & perfecti, & eorum imitatores: sicut promittit eis Matth. 19. *Vos qui reliquistis omnia, & secuti estis me, &c.* Quartò, per modum probationis, & sic iudicabunt omnes Sancti: Sapien. 3. *Iudicabunt sancti nationes.* Quintò, per modum *comparationis, & sic iudicabunt vel debent iudicare minus malis magis malos, in quantum eorum comparatione damnabiliores apparent. Et sic dicitur Matthæi 12. *Viri Ninivitæ surgent in iudicio cum generatione hac, & condemnabunt eam.* Probatur igitur per Christum, quod sequentes in Religione voluntatem Dei perfectam, assessoria & iudiciaria potestate fruentur: per quam etiam tandem eis

eis pauperibus , sicut Christus promisit , vi-
ta æternæ dabitur possessio. Ad quam nos
ipse perducat , qui in æuum viuit & re-
gnat. Amen.

APPROBATIO.

PRÆCLARVM hoc opus De reformatione Reli-
giosorum R. P. Fratris Ioannis Nideri , insigni
doctrina & mirabili pietate refertum , quod à tene-
bris & tenebris Frater Iacobus Buyens Mollenfis Con-
uentus Antuerpiensis Ordinis Prædicatorum magno
labore & studio vindicauit , & morte præuentus typis
mandare non potuit ; tibi R. P. Fratri Ioanni Bo-
quetio mando ut quantociùs cures typis committi ,
quod Religionibus collapsis & deformatis , erigendis
& ornandis mirificè conduceat. Datum Antuerpiæ in
Conventu Fratrum Prædicatorum xxi. Octobris ,
Anno M. DC. VII.

F. Petrus VVostynius Fratrum Prædic.
per Infer. Germaniam humilis Prior
Prouincialis.

PRÆSCRIPTI tres libri R. P. Ioannis Nider De
reformatione Religiosorum , doctrinam & spiritum
sapiunt Doctorum & Sanctorum Ordinis Prædica-
torum . Rem proinde Religionibus ac Reipub. utilem
mihi facturus videtur , quicumque operam dederit ,
ut emittantur in lucem . Datum Louanij i. Martij .
Anno M. DC. IV.

Jacobus Ianssonius S. Scripturæ
Louanij Professor.

